



Universitätsbibliothek Paderborn

**Exempla, In Septem Capitalivm Vitiorvm Detestationem,
Per Qvadragesimam, An. 1646. narrata**

Stengel, Georg

Ingolstadij, 1649

§. 18. Odium nihil esse aliud, quàm inueteratam iram.

[urn:nbn:de:hbz:466:1-49161](#)

quentes; quadam saepe manu, verbis parciores; quadam in verborum maledictorumq; amaritudinem effusa; quadam ultra querelas & auersiones non exent; quadam altae grauesq; sunt, & introrsus versa. Ad eundem modum Cicero

Cic. lib. 4
qq. Tusc.

ait: *In alijs iracundia dicitur, qua ab ira differt, ut anxietas ab angore. Neque enim omnes sunt anxi, qui anguntur aliquando: neque anxi semper anguntur. ut inter ebrietatem & ebriositatem interest, aliudq; est, esse amatorem, aliud amantem.* Itaque iracundia est propensio quadam & habitus ad iram; ira cupiditas doloris reponendi. Latius alij iracundiam longam iram esse volunt, & quasi odium. Ita enim de

Aristot.
lib. 1. de
anima
cap. 1.

Sueton.
en Claud.
c. 38.

Claudio loquitur Suetonius: *Ira atq; iracundia conscius sibi, utramq; excusavit edicto, distinxitq;: pollicitus, alteram quidem breuem & innociam; alteram non iniustum fore. Ac sanè ira inueterata, est odium, quod qui iracundiam vocare velit, non multum est cum eo de nomine litigandum, quia hæc sermone communi sæpe confunduntur.* Nostri illam iram celerem & acutā, istam maniam vocant, de qua illud Aristoteles monet: *Iram immortalem, cum sis mortalis, non serua.*

Aristot.
lib. 2.
Rhetor.
cap. 21.
XVIII.
ODIVM
NIHIL ES-

Dixi de celeri & acuta, quæ et si excandescientia est quadam, ac ira velut incipiens & nascens

nascens, quanta tamen in damna præcipitet, SE ALIVD,
QVAM IN-
VETERA-
TAM IRAM
in exemplō demonstraui. Est verò nihilominus, longè minoris culpæ ac reprehensionis: quia & rationi sæpe non relinquit tempus deliberandi & velut imber transit; & citò redit ad tranquillitatem, & denique

*Quò quisque est maior, magis est placa-
bilis ire.*

*Non verò audiendi sunt, qui grauiter iniuricis Cic.lib.2.
irascendum putant, idq; magni animi & fortis de officiis
viri esse credunt, ait Tullius. Immo fortis
viri est, ab ira non vinci, & in proverbio ha-
betur: Boni viri citò moritur iracundia: fa-
cile enim in eo charitas bene cogitat: cùm
interea odium sit cupiditas quadam, ut alijs ma-
lè sit, cum progressu aliquo & incremento; seu
ira inueterata, & plena vindictæ, obseruans
vltionis tempus. In qua proinde meditatè
sunt, quæ alteri mala cogitantur; quæque
radices agit, & se placari non sinit; neq; enim
vt imber citò transit, sed, vt stagnum quod-
dam putreficit in bufones ac serpentes. Ut Plutarchi
non magno negotio flamma extinguitur in pilis
leporinis, aut scirpis, aut stipulis accendi cœpta;
at non item, si solida corripuerit: sic ira primū
gliscens facile vel ioco, vel risu compescitur, cùm
videmus fumantem adhuc: quòd si processerit, vix*

vlla

Valer. 19. *vullo negotio posſit extingui. Peiores esse hunc irascendi modum etiam Valerius affirmat, dum ait: Ira quoque & odium, in pectoribus humanis, magnos fluctus excitant: proculsu celerior illa, noceundi cupidine, hoc pertinacius. Pul-*

S. Chrys. *cherrimè more suo, S. Ioannes Chrysostomus hom.* 24. *Iratus animus, ait, est similis foro cūdam pleno tumultu, ubi multus est euntium, & redeun- tium clamor, camelorum ac asinorum fremitus, argentariorum & arariorum utring, cudentium strepitus. At mitis mens, in solitudine montis vertici similis est, auram quidem habentis tenuē, purum vero radium, pura fontium fluenta, mul- tāq; florū amoenitates: His amoenitatibus semper carent, apud quos ira & tristitia non citò cadunt. Semper enim vesciunt, sem- per solicite querunt occasionem se vindican- di; nec unquam sapiunt. Per iram, inquit S.*

S. Greg. *lib. 5. mo- ral. c. 31.* *Gregorius, sapientia perditur, ut quid, quoniam*

Prou. 22. *ordine agendum sit, omnino nesciatur. Ira, ait*

24. *Salomon, in sinu stulti requiescit: Per iram vita amittitur, etiamsi sapientia teneri videatur, si- cut scriptum est; Ira perdit etiam prudentes. Per*

Iac. 1. 20. *iram iustitia relinquitur, sicut scriptum: Ira vi-*

Prou. 22. *ri iustitiam Dei non operatur. Per iram gratia*

24. *vita socialis amittitur: Noli, inquit Sapiens,*

Prou. 16. *esse assiduus cum homine iracundo. Per iram con-*

28. *cordia*

*Cordia rumpitur, sicut scriptū est: Vir animosus
(seu cupidus circa opiniones tuendas) susci-
tat rixas. Per iram lux veritatis amittitur, sicut
scriptum est: Sol non occidat super iracundiam,
vestram, Per iram S. Spiritus splendor excuti-
tur: quia contra scriptum est: super quem re-
quiescat spiritus meus, nisi super humilem &
quietum? Quis autem spiritus requiescat su-
per odio nutrientem, & alta mente iras vindi-
ctasque meditantem, in exemplo memora-
bili perpendite, atque intelligite, quam pro-
pe hæc ira accedat ad illum de quo dicitur:
*Væ terræ & mari, quia descendit diabolus ad vos,
habens iram magnam: magnam duratione;* à
condito enim orbe generi humano iratus est:
magnam voluntate; quidquid enim mali in-
ferre potest, conatur inferre: magnam dam-
nis & effectu; nocuit enim toti humanæ gen-
ti, & corpori pariter atque animæ graues
plagas infixit. Hanc odiosam iram qui imi-
tantur, reos esse iudicio sequens historia docet.*

Curiosus Iurisconsultus, author viris Prin-
cipibus, de multa lectione historica, acceptus:
heterodoxæ quidem fidei, sed malorum fa-
cinorum non indiligens, nec semper male-
volus narrator Philippus Camerarius recen-
set, cùm Româ, per Picenum, iter vñà cum
alijs

Apoc. 12.
12.

XIX.
EXEM-
PLVM
ODII IN-
VETERA-
TI.
Philipp.
Camerar.